

اقتصادیات

نومبر ۱۷

پنجشنبہ

۷ کانون ثانی ۱۳۲۴

مصون قلمی اسبابی تأمین ایدیور حکومت اخبار وقوعات ودعوی حقوق ایتک بوقاعده دن مستشار دیور حالبوکه بویکیت اصول محاکمه نك بعض احکامه معیار دوشمکه برابر قاعده عدل و دادك بر نقطه سنه مطابق کلیور . مفتی اکر افتراضی حکومت ابلاغ ایتزایسه کندیسو ایچون بر منفعت حصوله کلاز اجرای غرضه موفق اوله ماز مفتی نك مقصدی افترا ایدجکی کیمسه یه اذواجفادر بوده انجق حکومت اخبار ایله اوله ییلور بویله بر کیفیت بوقاعده دن فصل مستثنا طوتیلور بر کیمسه ایشله مدیکی بر فعلی ایشلمش کبی نصورتله مجازات کورر ؟ افترا دن عبارت اولان اخبار وشکایت مشروع و محق اوله ییلور می ؟ اوله میه جنی اظهار من الشمسدر افترا نك در جاسی نسبتنده بر جزای عادلانه وضع ایدلمی و حکومت اولسون اخبار وشکایت واقعه نك غرضدن منبعث اولدینی بین ایتدیکی حالده مستلزم مسئولیت اوله جفته دار ماده مذکور نك تعدیل و اصلاحی اقدم وظائفدر :

قسطه ونی مدعی عمومی معاونی

کمال مختار

مجلس مبعوثان مذاکرانی

۱

قاینه نك بیاناتی حقنده بعض مطالعات

قاینه نك سیاست داخلیه و خارجیه سی حقنده ۳۱ کانون ثانی سنه ۳۲۴ تاریخ نك مبعوثانده واقع اولان بیاناتی مشروطیت اداره نك ایلك دفعه سنی تشکیل ایتک اعتباریه مهم و بر جوق نقاط نظردن تدقیق و مطالعه یه شایاندر حکومت برنجی دفعه اوله رق اجرات سابقه و آتیه سندن حس مسئولیتله بحث ایدرك ملت طالع و مقدرات نك بعدما ایدای مسئولیه مودوع اولدینی و حقوق و منافع مشروعه سنك یازیمجه هوسات و احتراصات اوله میه جنی تأمینانسه مالک اولیوردی بوندن بشقه انقلاب مسعودی متعاقب حادث اولان بعض مشکلات داخلیه و بحران

خارجی حکومتک اجرا آتی له وعلینده مطبوعانده کمال شدله یوریدیلان مناقشات سببیه دوجار تردد و غلط اولان افکار عمومیه بی تنور ایده جک ایضاحاتی محتوی اولمسیده آروجه جالب اهمیتدی بیانات واقعنک ماضی وائی به متعلق نقاط مهمه سی تحلیل و تشریحدن اول موجب اختلاف اولان استیضاح مسئله سته متعلق احکام حقوقیه و قانونیه بی تقریر و ایضاح لازمدر.

بالجمله حکومت مشروطه ده مجالس ملیه بر قوه تشریعیه اولمغله برابر حکومتک مسلك و اجرا آتی خصوصنده برده حق مراقبه سی واردر. اساس و تفرعات معاملاتی حقنده تصویب و عدم تصویب قراری اعطا ایدر بوقرارلر کورده ده هیئت وکلا محافظه موقع و یا سقوط ایلر اگر بویله بر نتیجه مؤثره سی اولمازه بوحق استعمالده بی لزوم اولوردی. روح مشروطیت بونی مقتضیدر. بواساس عموماً التزام اولندینی حالد بزم قانونمزه اعتماد قراری و نتیجه سی صراحة مذکور اولمدینی جهته تعدیلندن اول بویله برقرار اعطا اولنورسه مجلس شمیدلک حقوق قانونیه سی تجاوز ایده جکندن باحث متعدد مقالات نشر اولمشدر. قانونک حین تنظیم و قبولنده تصادف اولنان مخالفت و مشکلات سببیه بر چوق مواد کبی بو خصوصده کی احکامیده مهم و مغلق بر حالد یازلمشدر. یدنجی ماده ده هیئت وکلانک نصب و عزلی اراده سنییه متوقف اولدینی بیان ایدملکه برابر اوتوز بشنجی ماده مجلسک هیئت وکلادن استیضاحی صلاحیتی معلندر اختلاف ظهور ایدر اوتوز سکرنجی ماده موجب نه وکلانک عزلی و یا مجلسک داغیدلسی حکمدارک راینه بر اقلمشدر که الفاظ و اشکال دن قطع نظرله حکومت مشروطه ده جاری اولان اصولده بوندن عبارتدر قانونلر نه عدم اعتماد قراری صورتنده وکلانک رأس اقتداردن سقوطی صراحة مذکور اولان حکومت سارده بر مجبوریته قطعیه بی افاده ایتمز چونکه حکمدار و یارئیس حکومتک نظاری محافظه ایدرک مجلسی طاغتمغه صلاحیتی واردر. فی الحقیقه بونادرأ تطبیق اولنور بر کیفیتدر بعض مسائل مهمه و حیاتیده حکومت مجلسک رأینی منافع ملک و ملت مضر کوردیکی تقدیرده آرای ملت تکرار انتخابات اجرا سیله مراجعت ایدر بوندن صکره بزده ده بو کیفیت احوال مهمیه منحصر - استشاره -

بر تدبیر صرمنه یکمشندر قانون اساسینک دولام وایدیتی صحبت افکار عمومیه ایله
تأمین و تقویه ایدلمشدر بناءً علیه مجلس مبعوثان رئیس وکلادن استیضاحه قرار
ویرمکله حق طبیعی و قانونیستی استعمال ایتمشدر. هیئت نظارک تشکلی آئنده
مجلس مبعوثان مجتمع اولمدینی کی انتخاباتک ا کالنه قدر بلغارستانک استقلال
بوسنه وهرسکک الحاقی و کریدک الحاقی شایعه لری کی مسائل مهمه خارجییه و
ولایاتک امور اداره سنجیه مشکلات عدیده محدث و بعض محملرده قحط و غلا
و فقر و سفالت عمومیه اشتداد ایتدیکندن افکار عمومیه بی اطمین ایده جک
ایضاحانه لزوم قطعی وار ایدی و بونی مجلسک اجتماعنی متعاقب حکومت کنیدیلکندن
ایضا اتمی ایجاب ایدر ایدی آنجق بیانات واقعه حکومتک مسلك و اجراتی تخطئه
و منافی مشروطیت احوال وقوعندن بحث ایدیلرک ویریلان تقریر و اکثریت
قراریله واقع اولان دعوت و استیضاح اوزرینه اعطا اولمشدر. کامل پاشا قایده سنک
صورتشکل و نشر ایتدیکی پروگرام هیئت عمومیه سی اعتباریله مطبوعات و افکار
عمومیه جه حسن تلقی به مظهر اولمشیدی اشبو پروگرامک خطوط اساسیه سی
قانون اساسیله دولت و ملتیه تأمین اولنان حقوقک محافظه سی و شکل قانونی بی حاز
اولمیان اوامر و تنبیهاتک الغاسی، مأمورینک تنسیق امور مالییه حربیه و بحریه
و نافعنه ک تنظیم و اصلاحی و شعبات اداره دولتک بادی کمال امنیت اوله جق حاله
کتیریله رک اجابنه قارشو عهداً موجود اولان بعض قیوداتک رفی ماده لرندن
عبارتدر .

بو قدر اصلاحات و تجدداتک ساحه آرای موفقیت اولمسی وقته محتاج اولمغله
برابر متعاقباً ظهور ایدن بحران خارجی سببیله قایده نك مساعدی دوجار انقسام
اولدیفندن شمیدیدن بونلرک فعلیاتنه انتظار ایدیله مازدی انجق بو پروگرامده
سرنامه اجرات اوله رق بحث و تطبیقنه مسارعت ایدیلان خصوصاً ده جزوی
بر اثر موفقیت ابراز اولنه مدینی ده محققدر.

اولا معاملات عمومیه بی اهام و تشوشدن قور تاره رق بر مجرای سالمه سوق
ایده جک صورته پروگرامک وضع ایتدیکی اساسلری ایضاحاً دواړه هیچ برکونا

تبدیلات متممه اجرا ایدلما مشدر .

شکل قانونی بی حائز و قانون اساسینک متن و روحنه موافق اولمیان اوامر و تنبیهاک انما اولدینی ذکر اولنیور . واقف احوال اولنلرجه معلوم اولدینی اوزره معاملات عمومی دولت اسکیدن نه قوانین و نظامات ونهده اوامر و تنبیهاه توفیقاً اداره اولنیور ایدی حاکم اولان نفوذ و تغلب ایدی بوقرءایله بعدما قانونک یکیدن دائرة مرعیه کیردیکی افاده اولندقدن صکره امثال و تعامله تطبیقاً جریان ایدن معاملات طور دیلار ق نظر تلرجه هر شعبه اداره به عائد قوانین و نظاماتک تطبیقنه باشلامق اوزره بونلری تفریق ایله مقررات متممه اتخاذ و تبلیغ اتمک اقتضا ایدر ایکن مسکوت عنه قلمشدر بوکون رؤسای اداره و مجالس قانونیه اعضا لاری اره سنده معلومات و احاطه قانونیه سی اولنلر یوزده براده سنده بیله دکلدن شمیدلک حال و احتیاجه کوره یکیدن قانونلر تنظیمی و بونلری تطبیق ایده بیله . جک متخصص لاره انتقالي تنفی اتمکدن بشقه چاره یوقدر تنسیق مأمورین کیفیتده مستثنا بر حال اولوب مأمورین موجوده نک نصفندن زیاده سی لزوم و احتیاجدن فضله اولدیغندن بونلرک تمیز و انتخابی و تفرعاتی حقننده عمومی اساسه اتباع ایدلک اوزره بر نظامنامه موقتله ایشه باشلامق ایجاب ایدردی چونکه بونده هر درلو ملاحظه دن مجرد ایله منافع دولت نظر دقنه التمش و علاقه دارانک حقوقی محافظه ایدلمش اولور ایدی حال بوکه بونکده اجرا تنده تناقضلر کورلمشدر اصلاحات سائرده مواعیددن عبارت اولوب بیاننامه ده همان عیناً نقل اولمشدر بیان مطالعه ایچون بونک بربر رساحه اجرا ته چیقما سی بکلمک ضرور یدر .

بیاننامه قاینه نک اجراء داخلیه و سیاسیه سنه ، امور داخلیه به امور خارجیه به عائد اوله رقی اوچه ایرلمشدر . مشروطیت اداره اساسلرینک محکمیتی ، اردونک احضاری ، قوه بحریه نک حال فعالیتیه وضعی دولتک اداره و مصادرفه مقتضی مبالغت کیفیت تدارکی برنجی قسمه داخل اولان اجراءات مهمه دندر اداره جدیده نک داخل و خارجاً محکمیتی ایچون قاینه نک حسن نیتی اثار یله ثابتدر امور داخلیه به متعلق صور اصلاحات هنوز تصور اتدن عبارتدر .

کامل پاشانک اڅ زیاده مسائل خارجیه ده لیت ولعل پولتیقه سی تعقیب ایلمسی وقایع لمر اعضا لری آرسنده وحدت افکار موجود اولیوب بتون مسائلی رأی خودیله اداره ایتمسی کیفیتی هدف اعتراض اولمشدر برلین قونفره سیله صربستان وقره طانک حاکمیت عثمانیه دن قطعاً ایریلهرق کسب استقلال ایلمسیله بوسنه هر سڅک صورت اشغالی اوراده کی رابطه یی صوڅ درجه نظری برحاله کتور مشیدی بلغارستانک کسب استقلالی اولجه حاضر لاشیدی وبونلری ابرکیچ امر واقع نظریله طانق ضروری ایدی اڅ مهم جهت تأخیر اتلافک موجب خطر اولوب اولیه جنی مسئله سی ایدی بوجهت اوزمانکی مخبرات واحوال سیاسیه بالا طرف بیلنمدکجه معلوم اولماز بونی آئیده اکلایه جغز فقط مسائل مذکورده نڅ بوکونلرده الدینی شکه نظرأ تأخیر وتعویده متضرر اولدیغمری اکلایه بیلورز هر حالده مسائل خارجیه ده اثر مکانت واعتدال کوستریلهرک برچوق تهلیکه لره برطرف اولدیغنه شمیدین قناعت ایده بیلورز بیاننامه نڅ مسائل داخلیه وخارجیه یه دار اولان قسمی آوروپا مطبوعاتجه ده حسن تلقی ایدلشد بر اثر موفقیت اولسده بر مظفریت دکدر حکومت کوندن کونه شکل اداره سی تنظیم وبلاسنځنا هر کسه حس عدالت وامنیت القا ایده چک طریق اجرائه سلوڅ ایدره امنیت عمومی ه لیاقتی کوسترمش اولور. بیاننامه ده بحث اولان فعلیات واجرائت پک آز ومواعید ونظریات پک چوق ایدی. امید وانتظار ایدم.

ع. نوری

ازهار مطالعه

یکرمنجی عصر ابتداسنده بریتانیا ایمپراطورانی

(امپرهالیزمک بحرانی)

(اون یدنجی نسخه دن مابعد)

نمونه سی کی انتخابات منازعاتنده غایت ماهر ومبارز، بریتانیانک شوکت وسطوتنده از زیاده قانع، ذاتاً تکمیل انکیزلرده بو فکر ایله مشبوع اولدیغندن امپرهالیزمک قهرمانی اولمش،